



**R. P. Sebastiani Izquierdo Alcarazensis Societ. Iesv Regii  
Senatvs S. Inqvisitionis Hispaniarvm Qualificatoris, Et  
Olim Complvti Sacræ Theologiæ Professoris. Opvs  
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

**Izquierdo, Sebastián**

**Romae, 1664**

Quæst. 2. Vtrum visio Dei clara, & vniuersim omnes actus, atque  
respectus creaturarum ad Deum eo ipso debeant euadere essentialiter  
infiniti, quod circa Deum essentialiter infinitum versantur, ab ...

---

[urn:nbn:de:hbz:466:1-76990](#)

Dei conuenire; et si possit comparatione aliorum obiectorum. Visio vero non comprehensiva nihil habet ex suo conceptu, quod non queat in cognitione creatae etiam comparatione Dei reperiri.

**19** Quartò obicitur, Deus ut clare visibilis est quid supernaturale, vt iam indicauimus, & infra ex professo trademus. Ergo intellectus creatus, qui adaequatè est quid naturale, nequit ab illo ut sic specificari. Specificaretur autem, si haberet potentiam adhuc inchoatam ad Deum clare videntem; quia omnis potentia à suo obiecto specificatur, ut constat. Quinimo huiusmodi potentia & esset naturalis; quia identificata adaequatè cum ente naturali: & non esset naturalis; quia ad actum supernaturalem. Quæ est clara contradictione. Respondeo, non esse inconveniens in eo, quod ens naturale à supernaturali specificetur extrinsecè; qualiter specificantur potentiae ab obiectis. Potentiam autem, sive virtutem inchoatam, quam intellectus creatus habet ad claram Dei visionem, et si revera sit quid naturale, ut potest quid indistinctum ab intellectu naturali, non tamen debere appellari potentiam naturalem; quia haec sonat potentiam, cui actus est conaturalis, ut potest naturaliter debitus; qualis non est visio Dei clara comparatione potentiae inchoatae, quam habet intellectus ad illam. De quo plura dicenda infra disp. 2. Pro quinta obiectione, quæ supererat, instituo universalitatis gratia questionem sequentem.

### Q V A E S T I O II.

*Vixum visio Dei clara, & uniuersim omnes actus, atque respectus creaturarum ad Deum eo ipso debeat euadere essentialiter infiniti, quod circa Deum essentialiter infinitum versantur, ab ipsoque specificantur.*

**20** Videlicet affirmandum propter illud argumentum calculatorium, quod sapè in variis materijs occurrat, molestum quidem, & (veror) non fatis haçtenus extircatum. Illud autem est huiusmodi. Actus specificatus ab obiecto eo perfectior est essentialiter, quod obiectum ipsum perfectius est. Constat enim, visionem intuituam de Angelo perfectiore esse visione intuituā de lapide. Ergo, quæ proportione se se excedunt obiecta quoad perfectionem, eadem se debent excedere actus ad taka obiecta terminati. Sed Deus infinitè excedit in perfectione cetera cuncta obiecta creata. Ergo actus habens pro obiecto Deum nequit non infinitè excedere actus aliorum obiectorum, & consequenter nequit non esse infinitus quoad perfectionem essentialiter. Procedit autem argumentum, ceteris paribus, ex parte aliorum actus prædicatorum, præter illud, quod ab obiecto præcise desumitur, ut ita efficiaciū procedat iuxta dicenda.

**21** Et confirmari potest primò. Quia nequit non esse infinita perfectio illa, ad quam impossibile est peruenire per additiones determinatas in infinitum progrediendo. Sed talis est perfectio actus habentis pro obiecto Deum. Ergo est infinita. Maior, quæ est certa, declaratur. Nam

si ponamus quantitatem, ad eius equalē, aut maiorem repugnat Deum peruenire in æternū, progrediendo à quavis quantitate finita per quamlibet proportionem ascendentem à minori versus maiorem inæqualitatem, v.g. creando primum quantitatē viginti vlnarum; deinde quantitatē quadraginta vlnarum; postea octoginta; & sic duplicando sine fine; non potest non quantitas illa, qua positur, esse infinita: nam si finita esset, nequiret non tandem per progressionem dictam accedere Deus ad quantitatem, qua vel æqualis esset, vel maior, quam illa, ut est notum, manifestèque demonstratum supra disp. 13. de infinito. Stet ergo certum, perfectionem sed physicam, seu metaphysicam, ad quam accedere est impossibile per infinitam progressionem determinatarum additionum; non potest non esse infinitum; quæ erat maior syllogismi facti. Quod autem perfectione metaphysica actus habentis pro obiecto Deum huiusmodi sit, quæ erat minor, facile ostenditur. Suppono autem ex communi sententiâ, quam ego supra monstravi disp. citata, possibilem esse seriem infinitam, creaturarum sepe excedentium quoad perfectionem secundum quamvis proportionem excellitus finiti; ita ut producta quavis, possit Deus aliam producere duplæ, vel triplæ, vel quadruplicæ perfectionis, & ita deinceps sine fine. Ex quo sit, possibilem etiam esse seriem infinitam actuum, tendentium in dictas creaturem, quorum qui tendit in primam, duplo sit minoris perfectio, præcisè ratione obiecti, ceteris undeque paribus, quam, qui tendit in secundam; & hic duplo minoris, quam, qui tendit in tertiam, & ita deinceps sine fine; quin sit possibile peruenire ad actum tam perfectum ratione obiecti, & consequenter absolutè, si cetera undeque sine paria, quam est actus tendens in Deum. Sicut impossibile est peruenire ad obiectum creaturam perfectum, quam Deus est. Actus ergo tendens in Deum non potest non esse quoad perfectionem infinitus; quandoquidem à quolibet tendente in creaturam ad illum interuallum est infinitum.

Secundò confirmari potest. Quia, sicut Deus non solum singulas creaturem, sed quamvis collectionem infinitam earum excedit in perfectione; ita actus tendens in Deum, non solum singulos actus tendentes in creaturem, quorum cetera paria sunt, sed quatinus collectionem infinitam eorum debet pariter in perfectione excedere iuxta dicta: siquidem, qua proportione se excedunt obiecta, eadem se debent excedere actus, ut supponitur. Sed quidquid exedit in perfectione multitudinem infinitam perfectorum, non potest non esse infinitum in perfectione; sicut, quod exedit in quantitate molis multitudinem infinitam quantorum, non potest non esse infinitum in tali quantitate. Igitur actus, tendens in Deum, nequit non esse infinitus in perfectione. Ex quibus omnibus conccluditur, visionem claram, & uniuersim omnem actum, atque respectum terminatum ad Deum, non posse non esse essentialiter infinitum. Aut creature essentialiter infinita aliunde est prorsus impossibilis. Igitur ram visio clara, quam alij actus, atque respectus tendentes in Deum prorsus sunt impossibilis. Quod est alienum à Theologia.

Solutio communis propositi argumenti, quam omnium fortasse explicatissime dedit Artibal 1.p. disp. 13. cap. 5. est, actum non crescere, iuxta

juxta perfectionem obiecti proportione arithmeticā, sed geometricā; id est, (ut multi non intelligentes terminos explicant), non crescere, tantum, quantum obiectum, ita, ut æqualem habeat perfectionem cum illo; sed secundum proportionem, ita, ut actus de obiecto perfectior perfectio sit actu de obiecto imperfectior. Vnde inferunt, actum de obiecto infinito, qualis est Deus, non debere esse infinitum. Ceterum argumentum factū amplius non poscit, quām, quod hoc solutio concedit. Solūn enim supponit, quod obiectum perfectius est, cō esse actum, perfectiorem secundum proportionem geometricam, non secundum arithmeticam; & nihilominus concludit, actu de obiecto infinito debet esse infinitum; non quidem quia actus sit tam perfectus, quam obiectum; sed quia, sicut obiectum infinitum excedit infinitē finitū, sic actus de obiecto infinito actu de finito pariter debet excedere infinitē.

24 Etenim, vt apud Mathematicos est notissimum, ea crescent secundum proportionem arithmeticā, quorum accrementa æqualia sunt, ut videre est in hac numerorum progressionē 2. 4. 6. 8. 10. 12. quorum quilibet supra præcedentem duas omnino unitates addit. Ea vero crescent secundum proportionem geometricā, quorum accrementa non æqualia, sed proportionalia sunt, ut patet in hac progressionē 2. 4. 8. 16. 32. 64. cuius numeri ita procedunt, ut sicut primus se habet ad secundum, ita se habet secundus ad tertium, & tertius ad quartum, &c. quæ est proportio subdupla iuxta dicta latius supra disp. 10. q. 2. Crescerent igitur obiecta, & actus secundum arithmeticā proportionem, si quantum secundum obiectum excedit primum, tantumdem actus de secundo excederet actu de primo; quod fieri posset, eti nullus actus æqualis suo obiecto esset in perfectione: dato enim quod est primum obiectum perfectum ut quatuor, secundum vero ut quinque, si primus actus esset perfectus ut duo, secundus ut tria, proportio arithmeticā seruaretur: quia tunc adderet secundus actus supra primum, quantum secundum obiectum supra primum, & tamen neuter actus esset æqualis suo obiecto. Ut hinc appearat pluriū. Theologorum deceptio, qui ad proportionem arithmeticā inter actus, & obiecta requirunt, quod tanti sint actus, quanta obiecta quoad perfectionem. Secundum proportionem autem geometricā crescent obiecta, & actus, quando, sicut secundum obiectum se habet ad primum, & vice versa, ita secundus actus se habet ad primum, & vice versa: nimurū, ut, si obiectum secundum excedit primum in dimidio, vel in duabus tertīis partibus, estque propterea ad illud duplum, aut triplum; secundus quoque actus excedat primum in dimidio, vel in duabus tertīis partibus, ad illamque subinde sit duplus, aut triplus. Quam proportionem, & non aliam supponens argumentum factū inter actus, & obiecta, ut dicebam, concludit, si obiectum secundum excedat primum infinitē, non posse non secundum actum excedere primum infinitē.

Ob id Arrubal, qui melius prædictos terminos intelligebat, non concedit absolutē, crescere obiecta, & actus in perfectione secundum proportionem geometricā, ut plerique incaute concedunt; sed tantum crescere secundum quamdam proportionem geometricā. Non enim,

inquit, est necesse, ut, si obiectum duplo sit perfectius altero, illius etiam cognitio duplo sit perfectior; properter imperfectionem scilicet causa efficientis, à qua perfectio etiam cognitionis oriū debet. Ea igitur solūn proportionē est necessaria, ut, si obiectum perfectius sit certo obiectorum numero, cognitio etiam perfectior sit cognitionibus eorum obiectorum: sit autem omnium perfectissima, ad cuius perfectionem nulla cognitione perueniri posse, si illius obiectum omnium sit perfectissimum. Hac ille. In quibus imprimis iam concedit, quod satis est ad concludendum, cognitionem Dei esse infinitam, iuxta primam argumenti confirmationem, nempe talēnam eam à perfectissimo obiecto euadere, ut ad eius perfectionem nulla alia possit peruenire. Quod enim tam ipse, quam alii addunt, perfectionem cognitionis non solū ab obiecto, sed etiam à principio nasci; indeq fieri, ut eius perfectione limitari à principio possit decrescens scilicet ratione principi, quantum debebat crescere ratione obiecti, etiō esse verum, de quo mox difficultatem tamen argumenti facti non minuit: quia illud cum suis confirmationibus dumtaxat procedit, ut notauimus, cau, quod cetera undeque sint paria, præter obiecta lollā.

25 In tali autem casu puto efficaciter id, quod 26 argumentum supponit; nempe non posse non crescere actus in perfectione, quo paſtu eorum obiecta crescent, secundum rigurolam proportionem geometricā; supposito nimurū principio illo, quod omnes hic ut certi statuunt: nempe, si cetera cuncta sint paria, non posse non actu obiecti perfectioris perfectiorem esse actu obiecti minus perfecti. Ex quo sic. Communicet verbi gratia obiectum primum actui, quem terminat, quartam partem suę perfectionis, ita, ut, si obiectum sit perfectum ut quatuor, actus sit perfectus ut unum. Certè, si cetera cuncta paria persistant, non erit, cur obiectum secundum actui, quem terminat, non communicet etiam quartam partem suę perfectionis, ita, ut actus perfectus euadat ut duo, si obiectum est perfectum ut octo. Quo fieri, ut, sicut se habet obiectum ad obiectum, ita se habeat actus ad actum; quæ est ipissima proportionē geometricā.

Iam vero ex eo, quod perfectio actus non solū ex obiecto, sed etiam ex principio sumatur, non fieri, ut illa in nostro casu ita ex principio limitetur, ut non euadat ab obiecto infinita, eufura alijs, si principium perfectius esset; inde planè probatur: quia summum decrementum perfectionis, quod potest actus subire, ab imperfectione principij in eo stat, ut nihil penitus perfectionis desumatur à principio. Quo posito, cum debeat nihilominus ut etiam supponitur, eo maiorem ab obiecto perfectionem desumere, quod obiectum ipsum perfectius est, non potest nos iuxta factū argumentum, quando obiectum est infinitum, euadere ab illo infinitē perfectus; quantumuis ex parte principij summe perfectio eius decrebat; quatenus nihil ab illo perfectionis desumit. Alter namque imperfectio principij perfectionem actus limitare non potest, quām illi non communicando ex parte sua perfectionem, ut constat. Si enim limitaret impediendo, ne obiectum communicet, quām ex se potest, sequeretur contra id, quod Auctores supponunt, quando principia sunt æqualia; æquales quoque euadere actus, quidquid sit de inæqualitate obiectorum: quia æqualia principia non

non possent non equalem perfectionem in actibus taxare, ut est notum.

28 Ostendo præterea pro complemento huius puncti id, quod omnes hic confitentur; non tamen probant: obiecta scilicet, & actus quoad perfectionem non posse crescere, seruat proportione arithmeticâ; quia posito, quod obiectum non potest per se refundere in actu tantam perfectionem, quantum habet, ut etiam Autores supponunt, repugnat, ut quatum se excedunt obiecta tantum se excedant actus, quæ est legitima proportio arithmeticâ. Fieret enim, ut illi obiectorum excessus tantumdem refundentur in actu, quantum ipsi sunt. Quod est obiectum refundere in actu tantam perfectionem, quantum habet, contra suppositionem. Si enim obiectum perfectum ut quatuor terminaret actu perfœctum ut duo, & obiectum ut quinque, ceteris videoque paribus, terminaret actu perfectum ut tria, quanto dumtaxat gradus obiecti secundi responderet integer gradus tertius secundi actus; quandoquidem quatuor alii gradus obiecti duos tantum possunt communica-re actu, ut patet in obiecto primo.

Hac contra Arrub. statuta pariter faciunt contra alios Theologos, qui, concessa proportione geometricâ, & negata arithmeticâ in accrescimenter actu penes accrescimenta obiectorum, putantes se argumento, de quo agimus, satisfacti, re minus bene explicata pergit ad reliqua; cum tamen illud ad vim suam satis sibi habeat cum proportione geometricâ, ut vidimus, quam ipsi concedunt. Videantur Herice disp. illa 36. cit. cap. 4. à num. 63. Alarc. tract. 1. disp. 1. cap. 1. à num. 2. Card. Lugo disp. 5. de Incarnat. sec. 3. à n. 30. & alii, qui in varijs materijs rebus hanc attingunt.

Iam vero ad primam, & secundam argumenti confirmationem Arrubal, Herice, Lugo, & quidam Recentiores indistinctè concedunt, visionem Dei, aut alium actu ad Deum terminatum habere sub se infinitos actus minoris perfectionis. Ad consequentiam tamen illatam hinc variè respondunt. Arrubal enim ait, ex eo, quod aliqua res infinitam seriem allarum minoris perfectionis habeat sub se, tunc solùm sequi, eam esse infinitam, quando omnes sunt in eadem specie perfectionis; secus vero, quando in diuersis. Visionem autem Dei ex obiecto increato perfectionem habere superiore omnibus alijs cognitionibus, atque in diuerso genere. Herice dicit, ex eodem antecedente dumtaxat sequi, esse eam rem negatiè infinitam, non positivè. Lugo autem, & Recentiores, esse infinitam secundum quid, seu respectuè, & aequivalenter; non vero absolutè, & simpliciter. Qui omnes termini idem videntur ex parte obiecti significare apud hos Doctores; nempe, eam rem, quæ, cum in se finita sit, excedit tamen in perfectione infinitas, quas sub se habet, aliquod genus infinitatis lortiri. Talem autem existimant esse visionem Dei, & vniuersim, omnem actu ad Deum terminatum: imo Angelum, hominem, & alias huiusmodi entitates, quæ, inquit, in perfectione excedunt infinitas alias se inferiores.

31 Ego, ut ad argumentum factum dicam, quod sentio, suppono ex doctrinâ traditâ suprà disp. 13. q. 8. & 9. possibilem esse creaturam infinitam quoad perfectionem, aut etiam quoad quamlibet aliam metaphysicam quantitatem. Talem autem eam esse, quæ tantam perfectionem, aut

aliam quantitatem metaphysicam habet, quam tam habet multitudine infinita aliarum creaturarum notæ inferioris. Imo possibilem esse creaturam adeò infinitam isto genere infinitudinis, ut toti aggregato haud dubie infinito omnium aliarum præteriplam creaturarum possibilium æqualis sit. Quomodo autem eiusmodi creaturarum infinitudo multis ex titulis sit longe, imo infinites infinitè inferioris rationis, quæ Dei infinitudo, ibidem dicta q. 9. explicatum est. Quomodo item ab huiuscemodi infinitudine possint, aut non possint creaturae secundum essentiam, dici infinita, in eadem disp. q. 1. & disp. 14. q. 5. explicatum est. Insuperque in dicta q. 1. doctrinam vniuersalem statuimus, ex qua colligi potest, quando creaturae prædictæ infinitæ secundum quid, & quando infinitæ simpliciter in genere suo dicendæ sint. In quo tamen solum esse potest controvergia de nomine.

Hinc censeo primò, per argumentum factum, bene probari, infinitam esse perfectionem visionis Dei, si verum est illud principium, quod omnes ferme Autores supponunt: eò scilicet perfectionem cognitionem euadere, quo perfectus obiectum habet, ceteris paribus; atque ita, qua proportione geometricâ se excedunt obiecta, eadem se excedere cognitiones ad illa terminatas. Hoc namque principio semel statuto, necesse est, quod visio Dei sit infinita. Tum quia excede debet alias cognitiones, qua proportione Deus excedit alia obiecta; & certum est, Deum excedere alia obiecta infinitè. Tum quia, sicut per nullam progressionem obiectorum inæqualium perfectionis finitæ potest ascendi ad obiectum tam perfectum, quam perfectus est Deus; ita per nullam progressionem cognitionum inæqualium ad talia obiecta terminatarum perfectionis etiam finitæ potest ascendere ad cognitionem tam perfectam, quam est perfecta visio Dei: & est certum, quantitatem, ad cuius æqualem per nullam progressionem quantitatuum inæqualium ascendi potest, necessariò infinitam esse, ut ex doctrinâ de infinito traditâ supra disp. 13. constat. Tum denique quia eo ipso, quod perfectio Dei maior est, quam perfectio aggregati infiniti aliorum obiectorum, ut est certissimum, nequit non esse quoque major perfectio visionis Dei, quam perfectio aggregati infiniti aliarum cognitionum terminatarum ad talia obiecta: & constat ex suppositione factâ, non posse non esse infinitam eam perfectiōnem, qua aut est æqualis, aut maior, quam perfectio integræ aggregati infiniti aliarum perfectiōnum. Itaque supposito prædicto principio, per argumentum propositum, perque eius confirmationes aperte probatur, visionem Dei quoad perfectionem infinitam esse. Ex eo autem, quod asteratur infinita quoad perfectionem, nullum sequi inconveniens, per doctrinam à nobis suppositam, & locis citatis fusis traditam si manifestum.

Ceterum, quia falsum est mihi dictum principium ab omnibus ferme Autorebus, ut dicunt, in praesenti suppositum: probari siquidem latè in Pharo Scient. disp. 16. non ita specificari aquis à suis obiectis, sive terminis, ut quod perfectus est obiectum, seu terminus, eò perfectior, ceteris paribus; debeat necessariò esse actus; id circa absolute censeo secundò, per argumentum factum ex defectu dicti principij, cui prorsus nittitur, nihil probari. Itaque, cum non sit necesse, ut eò perfectior euadat actus, quod, ceteris paribus, est perfectius ejus obiectum, possibile vixit,

trit, ut actus habens pro objecto Deum minus perfectas sit ex suo intrinseco modo tendendi, quam actus habens pro objecto creaturam, etiam si finitam paria ex parte principiorum. Hoc enim pacto iudicium de creatura perfectius videatur esse, quam apprehensione simplex de Deo ab eodem intellectu oriunda, & cognitione eximie clara de creatura perfectior haud dubie esse potest, quam cognitione obscura de Deo; etiam amba finitam oriunda à principiis aquæ perfectis; ut circa dubium etiam possunt. Recognoscatur doctrina viuentalis de specificatione actuum loco citato Phani tradita. In qua, quod attinet ad rem presentem, mecum sentit Fafol. p. q. 12. art. 1. dub. 7.

## QVÆSTIO III.

*An sit possibilis cognitione quiditatua Dei clara, immediata, & per propriam speciem habita, que non sit strictè intuituua, nec visio beatifica.*

84 **E**sse talem cognitionem possibilem Angelis; immo de facto habuisse eos inditam speciem ad illam, multis in locis tenet Scot. in 2. dist. 3. q. 9. & in reportatis eadem dist. & q. in 3. dist. 14. q. 3. in 4. dist. 10. q. 2. art. 3. & in quodlibet. 6. 7. 13. & 24. Idem tenet cum eo Lichetus, & Antonius Andras eidem locis. Mayron. q. 15. Pro. art. 2. & quodlibet. 4. art. 2. Rada controv. 10. art. 1. & alij Scotorum communiter. Consentient Gabriel q. 1. Pro. art. 3. & in 2. dist. 3. q. 2. art. 3. Maior. in 2. dist. 3. q. 2. Ocham. ibid. q. 14. & 15. & q. 1. Pro. art. 5. Basilius, Marcellus, & alij Nominales. Item Capreol. in 2. dist. 3. q. 2. ad argumenta contra 6. concl. & dist. 23. q. vnic. docens, posse dari speciem, que representet Deum trinum, & unum immediate, abstractiū tamen, & imperfecte: qualem putat habuisse Paulum post raptum; quia recordabatur Dei à se visi: additque, Adam sic cognovisse Deum ante lapsum. Id quod etiam videtur congruere cum doctrina S. Tho. q. 18. de Verit. art. 1. 2. & 3. vbi docet, Altum in statu innocentiae per speciem à Deo supernaturaliter infusum, atque adeò non alienum, sed propriam cognovisse immediate Deum; tametsi illum, nec intuitu, nec quiditatue cognoverit. Eamdem Scotti sententiam amplectuntur ex modernioribus Salas 1. 2. q. 3. tract. 2. disp. 3. sect. 1. num. 6. & sect. 7. n. 3. 2. & disp. 5. sect. 2. n. 30. Mol. 1. p. q. 1. art. 2. disp. 4. & q. 5. 6. art. 3. & Egid. Lusit. lib. 4. de Beat. q. 9. art. 2. num. 6. & lib. 7. q. 5. art. 1. s. 2. & lib. 8. 2. p. q. 5. Dissentient tamen hi Doctores ab Scoto, quod ille ordinis naturalis facit predictam cognitionem: hi verò opinantur, non posse non esse illam supernaturalem quoad substantiam. Stat etiam pro sententiâ istâ nouissime Quiros tom. 1. de Deo disp. 26. sect. 2. cum Granad. & Martinon. ab ipso relatis. Pro oppositiâ verò sententiâ stant contra Scotum Vazq. 1. p. disp. 134. & disp. 206. num. 1. Soar. disp. 30. Met. lect. 11. à n. 21. & lib. 1. de Trinit. cap. 11. & lib. 2. de Angelis cap. 17. Arrub. disp. 115. cap. 2. Gran. 1. p. contr. 1. tract. 7. disp. 3. Alarc. tract. 5. disp. 1. cap. 3. Ruiz tom. de Trinit. disp. 42. Fafol. 1. p. q. 12. art. 2. dubit. 16. Bann. 1. p. q. 5. 6. art. 3. dub. 1. Valent. 1. p. disp. 4. de Angelis q. 7. punc. 3. Cabrera 3. p. q. 11. art. 1. disp.

5. 5. 6. & 7. Becan. cap. 9. q. 2. & alij viuersaliter arbitantes, neutiquam esse possibilem cognitionem Dei claram, quiditatuum, immediatam, & per propriam speciem, quæ non sit strictè intuitu, & visio beatificans habentem eam.

## Propositio I.

Possibilis est simplex apprehensione clara, & per propriam speciem habita de Deo, sicuti est in se, vi cuius nequeat determinari intellectus ad absolutè, & de præsenti iudicandum, esse Deum à parte rei, sicut per talem apprehensionem repreſentatur.

Probo præpositionem primò. Quidam in tali simplici apprehensione nulla cernitur repugnatio. Ergo non est ea deneganda omnipotencie Dei.

Secundò. Quidam non repugnat, huiuscmodi apprehensionem circa quævis alia obiecta vesari. Ergo nec circa Deum. Consequentia est firma: quia nullum, quod ad rem attinet, potest dari idoneum discrimen. Probo antecedens. Et primum: quia de facto etiam dantur in nobis apprehensiones simplices clarae, & per species proprias habita obiectorum sensibilium, quæ visu, aut alio sensu aliquando percepimus: cum tamen, nequaquam iudicare possumus ex vi talium apprehensionum, sive specierum, an absolutè, & de præsenti existant à parte rei talia obiecta, vi à nobis apprehenduntur. Deinde: quia Deus de altero Deo chymarico prout actu, & de præsenti existente clarissimam apprehensionem simplicem habet, dum iudicat. Non est alius Deus prater me. Deut. 32. vti monstrabimus in tract. de Scient. de quo tamen nullatenus iudicare potest, quod apprehendit. Cetera etiam quæque obiecta proprio, clarissimoque conceptu apprehendit Deus simpliciter, nihil omnino de ipsis iudicans ex vi talium apprehensionum, prout videbimus in eodem tract. Ergo potiori iure per speciem inditam à Deo poterit intellectus creatus quodvis obiectum, atque adeò Deum ipsum proprio, & claro conceptu apprehendere; quin possit vi talis apprehensionis, sive speciei absolutè, dijudicare, vtrum à parte rei existat, quod apprehendit.

Tertiò. Deus hanc veritatem (quam ipse) claro, & proprio conceptu noscere iuxta doctrinam à nobis tradendam in dicto tract. de Scient.) Si Deus existit, Trinitas personarum in unitate essentie existit, Angelo potest circa dubium per speciem propriam notificare. Ergo & Angelus potest de Deo, prout existente apprehensionem simplicem constituentem eam hypothesim per speciem propriam habere; quin possit vi eius iudicare de absoluta existentiâ Dei. Hypothesis quippe alicuius conferre non potest ad iudicandum de illo absolutè, sed tantum conditionatè, quod in hypothesi ipsa positum est, vt est notissimum.

Quartò. Si quis ad breue tempus videret Deum intuitu, vt multi censem de Moysè, & Paulo, translatâ visione, recordaretur, se Deum vidisse. Ergo simul cum iudicio de visione præterita, simplicem apprehensionem haberet, qua Deum proprio conceptu, sicuti ab ipso vidi est, apprehenderet; nec iudicaret tamen. Sicuti nos modò proprio conceptu apprehendimus colorem

R R R antea